



Inatsisartunut ilaasortaq Maliina Abelsen, Inuit Ataqatigiit  
MAANI

### § 37 naapertorlugu apeqqummut 2013-55 Royalty II akissuteqaat

Inatsisartut suleriaasianni § 37 imm. 1 naapertorlugu royalty-mik akileraarusiisarneq pillugu Naalakkersuisunut makkuninnga apeqquteqarputit.

1. **Pisuussutininik uumaatsunik iluaquteqarniarnermi Kalaallit Nunaat aningaasarsiornikkut annertunerpaamik pissarsisalernissaa qulakkeerniarumallugu aammalu paasisanik ilisimasanillu ingerlaavartumik siunnersorneqalersinnaaneq eqqarsaatigalugu immikkut ilisimasalinnik nunanit tamalaaneersunik inuttalersugaasumik siunnersorteqarsinnaaneq Naalakkersuisunit ingerlateqginniarneqarpa?**

Akissut:

Naalakkersuisut immikkut ittumik ilisimasalinnik suleqatigiinnik aalajangersimasunik pilersitsilersaangillat, kisiannili sunniuteqarluartumik akileraarusiisarnissamut akileraarutinit ilusiliamik suleriaatsimillu suliaqarnermini ingerlaavartumik immikkut ittumik ilisimasalinnik akuutitsisarniarlutik.

2. **Immikkut ilisimasalinnik nunanit tamalaaneersunik siunnersorteqarsinnaaneq kissaatigineqangippat, qanoq iliornikkut Naalakkersuisunit nunat tamaalat akornanni immikkut ilisimasarilersimakkat atornialersarneqarpat aalajangigassat pitsaanerpaamik tunngavissaqaqqullugit? Ajornangippat nasuiaatitlersoruk.**

Akissut:

Apeqqummut akissuteqaammi taaneqareersutut Naalakkersuisut suliaqarnermi immikkut ilisimasalinnik attuumassuteqartunik tamaginnik ingerlaavartumik akuutitsisarniarput. Tamanna suleriaasiuvoq nalinginnaalluinnartoq, suleqatigiisitaliaq aalajangersimasooq aqquutigalugu ingerlanneqartariaqangitsoq. Immikkut ilisimasallit sapinngisamik pitsaanerpaamik ingerlaavartumik akuutittarnissaannut kiffaanngisuseqarluni iliuuseqartarnissaq Naalakkersuisut tulluernerutippaat.

3. **Aatsitassarsiornerup iluani nutaamik akitsuusersuisalernissap ilusilersorniarneqarnerani Naalakkersuisut, Inatsisartut – inatsisiliortutut tunuliaqutarisatik ammasumik periuseqarlutik oqaloqatigalugillu peqataatinniarpaat – pingaartumik Aatsitassat pillugit Ataatsimiititaliaq aammalu Aningaasaqarnermut Akileraartarnermullu Ataatsimiititaliaq? Tamanna qanoq aamma pissa-va?**

Akissut:

Maannakkorpiaq Naalakkersuisut nammineerlutik misissueqqissaarnertik inaarsarlugu suliaaraat, aammalu Naalakkersuisut isummernissamut, oqaluuserineqarnissaanut tunngavissiamik suliaqarput, piareerunik Inatsisartuni ataatsimiititaliaq peqatigalugit oqaluuserineqartussa.

22. maj 2013  
Sagsnr. 2013-080134  
Dok. Nr.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@nanoq.gl](mailto:isiin@nanoq.gl)  
[www.nanoq.gl](http://www.nanoq.gl)

4. **Naalakkersuisut akissuteqaammi allapput: “royalty-mik atuutsitsisoqalissa-soq, tassalu aalajangiinnissaq taanna pereerpoq.” Naalakkersuisunut apeq-qutiginiarpara Inatsisartut saneqqutiinnarlugit royalty-mik atuutsitsisoqalersinnaanersoq? Taamaassinnaappat taamatorpiaq aalajangersaaneq qanoq iluseqarpa aammalu qanga tamanna piva?**

Akissut:

Royalty-mik atuutsitsilernissaq pillugu aalajangiineq Naalakkersuisut naalakkersuisooqatigiinnissamut pisussanut pilersaarutaanni naalakkersuisooqatigiinni partiit pingasunit akuerisaasumi takuneqarsinnaavoq. Tassalu Naalakkersuisut royalty-mik atuutsitsilernissaq pillugu politikikkut tunngaviummik aalajangeereerput. Ilusiliaq aalajangersimasoq suli naammassineqanngilaq, kisianni Naalakkersuisut isumaqarput, royalty-mik atuutsitsilernissaq pillugu tunngaviosorpimik allanik misissuinissaq pisariaqartinneqanngitsoq. Royalty-mut tunngatillugu aalajangiisnnaa-titaaffeqarnermut ilusiliaq sorleq toqqarneqassanersoq apeqqutaavoq. Aatsitas-sanut ikummatissanullu inatsit Naalakkersuisut akuersissutinik royalty pillugu aalajangersakkanik imaqartunik tunniussisnnaanerat pillugu aalajangersakkanik imaqarpoq. Royalty assersuutigalugu akileraartarnermut inatsit aqutugalugu atuutsinneqalissappat, tamanna Inatsisartunut saqqummiunneqartussaavoq.

5. **Aatsitassarsiortitsinikkut suliffissuaqarfiit akileraarusersorneqartarneri eqqarsaatigalugit tamanna aatsaat partiit tamarmiusut isumaqataffigisnnaa-saannik pisarsinnaappat tamanna Naalakkersuisunit orniginartinneqarpa? Taamaattoqarsinnaappat taava Naalakkersuisut taamaaliornissaq anguniaru-mallugu qanorpiaq iliuuseqalersaarpat?**

Akissut:

Atituumik isumaqatigiissuteqartarnissaq, tamanna naalakkersuisooqatigiinnissamik isumaqatigiissummut sinaakutissat iluanni pisinnaappat, soorunami Naalakkersuisut soqutigisarisaannarpaat. Aatsitassarsiortinnik siunissami ukiorpassuarni a-ningaasaqarnikkut atugassarissaarnissamik qulakkeerisnnaasunik annertuunik pilersitsisoqarsinnaalersillugu aatsitassanut suliassaqarfiup iluani killissaliussas-sanut atugassarititaasunik aalajangersimasunik pilersitsinissaq pingaaruteqarpoq.

Inussiarnersumik inuulluaqqusillunga



Jens-Erik Kirkegaard